



UNIVERSITETI I TIRANËS
FAKULTETI I GJUHËVE TË HUAJA
DEPARTAMENTI I GJUHËS ANGLEZE



PROGRAMI MËSIMOR I LËNDËS

Hyrje në Gjuhësi

Viti akademik 2023-2024

Titullari / pedagogu i lëndës: Dr. Leonora Xhori; Dr. Daniela Hasa; Dr. Elvana Shtepani;
Ngarkesa: 4 kredite (= 40 orë); 2 Kredite Leksion (= 20 orë); 2 Kredite seminar (= 20 orë)
Viti akademik / semestri kur zhvillohet: I/2
Lloji i lëndës: Lëndë e detyrueshme
Programi i studimit: Gjuhë Angleze
Kodi i lëndës:
Adresa elektronike e titullarit / e pedagogut të lëndës: leonora.xhori@unitir.edu.al;
daniela.hasa@unitir.edu.al; elvana.shtepani@untir.edu.al

Kodi i Etikës:

Në këtë lëndë ndiqet dhe zbatohet Kodi i Etikës së Universitetit.

Procesi mësimor do zhvillohet duke patur në qendër respektimin e secilit student dhe ofrimin të mundësive për të përfitur nga koha në procesin mësimor.

Mësimi dhe vlerësimi do zhvillohen sipas planit të miratuar nga departamenti.

Studentëve do u jepet mundësia që të përfshihen sa më shumë që të jetë e mundur në diskutimet që zhvillohen në kuadër të lëndës dhe për më tepër do të jenë të lirë që të ngrejnë pyetje apo të sqarojnë çdo koncept gjuhësor.

Mësimi dhe trajtimi i studentëve në mësim do zhvillohet në mënyrë objektive dhe të paanshme.

Do zbatohet me përpikmëri politika e universitetit për ndershmërinë akademike.

Do respektohet etiketa e punës online, për aq kohë sa do të jetë e nevojshme.

Plagjiatura: Do zbatohet politika e departamentit për plagjaturën. Rastet e pandershmërisë akademike dhe plagjaturës do trajtohen sipas rregullave të Fakultetit.

PËRMBLEDHJET DHE REZULTATET E TË NXËNIT:

Kjo lëndë i pajis studentët me disa njohuri hyrëse në teorinë dhe metodologjinë e gjuhësisë, e cila është studimi shkencor i gjuhës. Ata mësojnë rreth degëve kryesore të kësaj shkence, përkatësisht rreth fonetikës, fonologjisë, morfologjisë, sintaksës, semantikës, pragmatikës, sociolinguistikës dhe historisë së zhvillimit të shkencës së gjuhësisë.

Studentët njihen edhe me zbatimin e kësaj shkence në praktikë por duke eksploruar natyrën komplekse të gjuhës njerëzore nga perspektiva biologjike-psikologjike, kulturore dhe sociale.

Një vëmendje e veçantë i kushtohet nocionit të gjuhës si një sistem i strukturuar forme dhe kuptimi si edhe përdorimit të saj. Njohuritë e gjuhës mësohen si një element i njohjes njerëzore dhe se si ato ndikojnë edhe në fusha të tjera të lidhura ngushtë me gjuhësinë, siç janë për shembull marrëdhëniet ndërmjet gjuhës dhe mësimdhënies, gjuhës dhe përkthimit e aspekte të

tjera të gjuhësisë së aplikuar.

Objektivat kryesore të kësaj lënde janë:

- të njohë studentët me konceptet kryesore për gjashtë fushat kryesore të gjuhësisë, si për shembull fonetikën, fonologjinë, morfologjinë, sintaksën, semantikën, pragmatikën dhe ndërveprimin ndërmjet tyre
- t'u japë studentëve njohuri të përgjithshme për mënyrat dhe sistemet e komunikimit dhe t'i njohë ata me karakteristikat e gjuhës së folur dhe të shkruar, si edhe avantazhet e disavantazhet e secilës prej këtyre formave komunikimi;
- të ndërgjegjësojë studentët për shumëllojshmërinë e sistemeve gjuhësore por në të njëjtën kohë edhe për ngjashmëritë e tyre themelore
- të njohë studentët me disa nga parimet dhe mekanizmat bazë të funksionimit të gjuhës; se si kuptimi i fjalëve arrihet përmes strukturës së tyre të ndërlikuar të brendshme dhe të njohë mekanizmat të cilat mund ta ndryshojnë atë.

Në fund të kursit studentët do të jenë të aftë:

- të pajisen me disa mjete dhe teknika për të analizuar dhe kuptuar të dhënat gjuhësore
- të kuptojnë dhe në këtë mënyrë të përvetësojnë më mirë funksionet komunikative të gjuhësisë dhe parimet kryesore që janë përgjegjëse si për formimin e fjalëve, fjalive ashtu edhe për interpretimin e tekstit
- të zbatojnë në praktikë analizën gjuhësore të fjalës, fjalisë dhe tekstit, si edhe të bëjnë dallimin ndërmjet strukturave përgjegjëse për dykuptimësinë
- të kenë një njohje më të mirë se si dhe pse gjuha ndryshon në kohë, ndërmjet folësve të saj, si edhe për familjet e ndryshme të gjuhëve.